



GARIS PANDUAN PERMOHONAN DANA PENERBITAN BUKU (SDPB) UMS

1.0 PENGENALAN

Dalam usaha menyebarkan ilmu dan pengetahuan daripada kakitangan UMS melalui penghasilan karya asli, Mesyuarat Jawatankuasa Penerbitan Pusat (JKPP) UMS Bil.1/2023 telah mengemukakan cadangan Skim Dana Penerbitan Buku (SDPB) untuk membiayai penerbitan buku.

Dana ini bertujuan membantu penyelidik menghasilkan buku dalam bidang-bidang tertentu untuk disampaikan kepada masyarakat dan sesuai untuk bacaan umum. Usaha ini diharap dapat meningkatkan jumlah karya bermutu hasil penyelidikan kakitangan UMS.

2.0 OBJEKTIF

- 2.1 Menambah hasil produk karya asli dalam kalangan kakitangan UMS yang mempunyai kepakaran dan pengalaman bermutu.
- 2.2 Memberi impak kepada masyarakat dan industri dengan topik dalam bidang-bidang yang bermanfaat.
- 2.3 Menghasilkan penerbitan karya ilmiah yang menjadi rujukan antarabangsa dan meningkatkan keterlihatan UMS.
- 2.4 Menggalakkan penghasilan karya yang dapat memberi impak kepada masyarakat serta berpotensi untuk dicalonkan dalam sebarang anugerah buku atau penerbitan.

3.0 KLUSTER PENYELIDIKAN

Setiap permohonan adalah berdasarkan salah satu kluster penyelidikan seperti berikut:

- 3.1 Alam Sekitar dan Sains Gunaan
- 3.2 Perubatan dan Sains Hayat
- 3.3 Kejuruteraan dan Teknologi
- 3.4 Seni, Sains Sosial dan Kemanusiaan

4.0 SYARAT UMUM

- 4.1 Penerbitan buku yang menggunakan peruntukan SDPB adalah tertakluk kepada syarat-syarat di Dasar Penerbitan UMS dan Akta Hak Cipta 1987 [Akta 332].
- 4.2 Semua peruntukan SDPB perlu menghasilkan buku bercetak. *E-book* turut boleh diterbitkan, namun penerbitan *e-book* sahaja tidak dibenarkan.

4.3 Kategori penulisan sama ada karya asli, karya suntingan dan karya popular.

5.0 SYARAT-SYARAT PERMOHONAN

- 5.1 Geran ini terbuka kepada semua kakitangan UMS dan pelajar UMS yang berstatus aktif.
- 5.2 Manuskrip yang diserahkan kepada Penerbit UMS mestilah lengkap, kemas, bersih dan selaras. Manuskrip tersebut merupakan pemikiran terakhir sesuatu penulisan dan bukannya suatu draf yang akan dipinda kemudiannya.
- 5.3 Manuskrip yang disampaikan tebalnya mestilah mempunyai sekurang-kurangnya mengandungi 50 halaman atau 30,000 patah perkataan tidak termasuk bahagian awalan, rujukan dan minimum 4 bab. Permohonan akan ditolak, sekiranya manuskrip tidak mencapai jumlah minimum.
- 5.4 Pengarang tidak boleh melebihi tiga orang.
- 5.5 Penulisan hanya dalam satu bahasa sahaja, iaitu bahasa Melayu atau bahasa Inggeris.
- 5.6 Pemohon tidak boleh menghantar lebih daripada satu permohonan dalam satu masa.
- 5.7 Buku yang akan dihasilkan adalah dari penyelidikan semasa/lepas (tidak melebihi 2 tahun).
- 5.8 Permohonan yang berjaya wajib diterbitkan pada tahun semasa atau tahun berikutnya.
- 5.9 Pengarang yang akan berpencen atau tamat kontrak pada tahun semasa pembukaan Dana Penerbitan Buku (SDBP) tidak dibenarkan memohon.
- 5.10 Bagi manuskrip tesis ke buku, tesis perlu dirombak untuk mengikut gaya penulisan buku dan gaya Penerbit UMS. Pemohon perlu menyertakan laporan penilaian tesis.

6.0 SILING PERUNTUKAN

6.1 Siling peruntukan adalah RM5,000.00 sahaja bagi setiap permohonan SDPB dan tertakluk kepada jenis perkhidmatan dalam tempoh enam bulan seperti berikut:

Vot	Jenis Perkhidmatan	Jumlah Siling (RM)
29000	Honorarium untuk pembantu (selain daripada penulis) untuk menyediakan manuskrip buku.	2,000.00
29000	Pembayaran untuk proses pewasitan, penyuntingan, reka letak dan sebagainya.	2,000.00
27000	Percetakan nashkah pukal.	1,000.00

7.0 TATACARA PERMOHONAN

- 7.1 Pemohon perlu mengemukakan permohonan penyelidikan melalui **Borang Permohonan Dana Penerbitan Buku (SDBP)**.
- 7.2 Permohonan perlu dikemukakan sebelum atau pada tarikh tamat permohonan sebagaimana yang ditetapkan oleh Penerbit UMS. Permohonan yang lewat tidak dapat dipertimbangkan.

8.0 CARTA ALIR PROSES PERMOHONAN SKIM DANA PENERBITAN BUKU (SDPB)

